

**ԵՐԵՎԱՆԻ ԱՎԱԳԱՆՈՒ ԲԱՐԳԱՎԱՃ
ՀԱՅԱՍՏԱՆ ԽՄԲԱԿՑՈՒԹՅԱՆ ԱՆԴԱՄ
ՊԱՐՈՆ Ա. ՆԵՐՄԻՍՅԱՆԻՆ**

Հարգելի պարոն Ներսիսյան.

Ի պատասխան Ձեր **10.10.2019**թ. հ. **01/87Մ** գրության՝ տեղեկացվում է, որ Հայաստանի Հանրապետության կառավարության **25.10.2000** թվականի հ. **682** որոշման համաձայն՝ Ջուղայի փողոցի հ. **5** շենքը հանդիսացել է քանդման ենթակա **4**-րդ կարգի վթարային, և տվյալ շենքի բնակիչները **2007** թվականին վերաբնակեցվել են, սակայն շենքը չի ապամոնտաժվել:

Տեղեկացվում է նաև, որ Երևան քաղաքում առկա **4**-րդ կարգի վթարային բազմաբնակարան շենքերի վերաբնակեցման աշխատանքներն իրականացվում են վերոնշյալ որոշման, ՀՀ կառավարության **25.10.2009** թվականի հ. **172**-Ն որոշման, ինչպես նաև ամենամյա համայնքային գույքի օգտագործման տրամադրման և օտարման տարեկան ծրագրով սահմանված դրույթներին համապատասխան:

ՀՀ կառավարության **25.10.2000** թվականի հ. **682** որոշման **7**-րդ կետով հանձնարարվել է ՀՀ տարածքային կառավարման նախարարության միգրացիոն գործակալության պետին, ՀՀ կառավարությանն առընթեր կադաստրի կոմիտեի նախագահին, ՀՀ ոստիկանության պետին և Երևանի քաղաքապետին (առաջարկությամբ) քանդման ենթակա բնակելի տների բնակեցումից ազատված բնակարաններում չիրականացնել քաղաքացիների կրկնակի բնակեցում, հաշվառում և գույքային գործարքների պետական գրանցում:

Տեղեկացվում է նաև, որ քննարկվող շենքի փաստացի բնակիչները բազմիցս ծանուցվել են՝ անկանխատեսելի հետևանքներից խուսափելու համար իրենց կողմից ինքնակամ զբաղեցրած բնակարաններն անհապաղ ազատելու մասին: Վերոգրյալի մասին անշարժ գույքի կառավարման վարչության կողմից դիմումատուներին գրավոր բազմիցս տեղեկացվել է:

ԵՐԵՎԱՆԻ ՔԱՂԱՔԱՊԵՏԱՐԱՆ